



## JUDICIAL SYSTEM MONITORING PROGRAMME

### PROGRAMA DE MONITORIZAÇÃO DO SISTEMA JUDICIAL

#### ***Komunikadu Imprensa***

Periodu : Jullu 2011

Edisaun : 14 Jullu 2011

#### **Parlamentu Nasionál Aprova Lei Organika Câmara de Contas**

Parlamentu Nasionál iha loron 06 fulan Jullu 2011 aprova iha finál global ba Proposta Lei n<sup>o</sup> 49/II konabá Lei *Orgânica da Câmara de Contas do Tribunál Superiór Administrativo, Fiscal e de Contas* ho votus afavor 37, abstain 7 no kontra 2.

Esbosu lei ne'e apresenta husi Ministériu Justisa hanesan baze legál ba kriaun Câmara de Contas ho durasaun funsionamentu durante tinan 5, antes transforma ba Tribunál *Superiór Administrativo, Fiscal e de Contas*. Câmara de Contas sei sai hanesan seksaun ida iha Tribunál Rekursu nia okos ne'ebé sei dirije diretamente husi Prezidénte Tribunál Rekursu Dr. Cláudio Ximenes tanbá Tribunál Rekursu hanesan Supremu Tribunál Provizóriu no sei ezerse funsaun ho independentemente.

Ho prezensa lei ne'e fó kbi'it no autoridade ba Câmara de Contas atu bele kontrola efetividade finanseiru ka Kontas Estadu nian liu-liu ba jestaun ezekeusaun orsamentu estadu ne'ebé aprova ona husi Parlamentu Nasionál. Funsau Câmara de Contas aplika ba orgaun estadu hotu inklui fundus autonomus no fundus espesiais ne'ebé previstu iha Orsamentu Estadu.

JSMP sente haksolok ho prosesu ne'e no kongratula ba esforsu no komitmentu *governu nian hodi kria Câmara de Contas atu kontrola no asegura ezekeusaun orsamentu estadu no evita tentasaun ba prátika la nesesariu sira ne'ebé afeita ba vida estadu nian, aleiza prinsípiu boa-governasaun no valores ba prinsípiu transparensia no akontabilidade.*

Mesmu nune'é, JSMP kontinua preokupa ho limitasaun rekursu umanus iha setór justisa aktual ne'ebé kontinua ezesti, nomós dezafiu prániku sira seluk ne'ebé dalabarak enkomoda efetividade implementasaun lei hirak ne'e. JSMP hein katak, Estadu tenki kontinua halo esforsu hot-hotu ne'ebé posivel atu asegura katak lei ne'e bele produz implikasaun pozitivu no atinzi nia objetivu. Tanbá ne'e JSMP enkoraza entidades competente hot-hotu atu kontribui ba funsionamentu Câmara de Contas ne'e rasik atu bele hala'ó sira nia funsaun hodi halo kontrolu ba finanseiru ka Kontas Estadu liu-liu ba jestaun ezekeusaun orsamentu estadu ne'ebé aprova ona husi Parlamentu Nasionál, ne'ebé aplika ba orgaun estadu hotu inklui fundus autonomus no fundus espesiais ne'ebé previstu iha orsamentu estadu ho diak hodi bele kontribui halakon korupsaun no prátika iregularidade sira seluk iha nasaun ida ne'e.

Lei ne'e hatuur obrigasaun bo'ot ba instituisaun públiku sira atu tenki intrega relatóriu ezelesaun orsamentu ba Câmara de Contas aliende ba Ministériu Finansas i ezelesaun finál ba orsamentu nian. Prosesu avaliasaun mak deskobre katak iha relatóriu ne'e maka hetan indikasaun mal gastus ruma, Câmara de Contas sei intrega kazu ne'e ba Ministériu Públiku atu prosesa tuir lei.

Câmara de Contas mós iha podér atu halo investigasaun ba kazu ka asuntu ruma ne'ebé dirije husi Parlamentu Nasionál ba programa ka prozeitu estadu nian ne'ebé sira harê la tuir regras (maiz ou menus tinan ida dala ida, tanbá tenki harê mós ba Rekursu humanus Câmara de Contas).

Estrutura Câmara de Contas sei kompostu husi Prezidênte Câmara de Contas no Juizes Câmara de Contas ne'ebé sei mai husi juizes de kareira no ema ne'ebé iha koñesimentu méritu husi empresa no mestradu ba área ekonómia

Juizes Câmara de Contas nia desizaun sei válidu hanesan ho juizes iha tribunál komun sira no nafatin hetan kontrolu husi Konsellu Superiór Majistradu. Funsionamentu ba Câmara de Contas sei hahú hafoin fulan 6 durante preparasaun dekretu lei interna no prosesu rekrutamentu, sura husi públikasaun lei ne'e iha Jornál da Repúblika.

Atu hetan informasaun kle'an favor kontaktu direktamente:

Luis de Oliveira Sampaio  
Diretór Ezekutivu JSMP  
Diresaun e-mail: [luis@jsmp.minihub.org](mailto:luis@jsmp.minihub.org)  
Landline: 3323883/7295795